



**PROMOSAUN REJIME KAREIRA JERÁL IHA FUNSAUN PÚBLIKA 2023**

**Kategoria Tékniku Superior Grau B**

Komisaun Funksaun Públika, ho baze Dekretu-Lei n.º 5/2019, lora 27 fulan-Marsu, alterasaun husi Dekretu-Lei n.º 1/2018, lora-24 fulan-Janeiru, kona-ba Rejime Promosaun ba Pesoál iha Karreira sira Administrasaun Públika nian no Dekretu-lei n.º 22/2011, lora 8 fulan-Juñu kona-ba Rejimi ba Konkursu, Rekrutamentu, Selesaun no Promosaun Pesoál iha Administrasaun Públika, nune'e mós ho konsiderasaun ba Orientasaun n.º 21/CFP/2019, ne'ebé aprova regra adisionál sira ba prosesu promosaun pesoál iha karreira Administrasaun Públika nian, Deliberaun n.º 85/2019/CFP, ne'ebé altera Deliberaun n.º 67/2018 (Interpretasaun ba Kritériu sira Promosaun Pesoál iha Funksaun Públika no Deliberaun n.º 76/2018/CFP, ne'ebé aprova kompozisaun prova eskrita eletrónika ba promosaun pesoál iha Funksaun Públika, **Deliberação nº 173/2020/CFP, 2 de outubro, komplementa regras konabá indicadores testus ba ezame lian ofisial sira** determina hodi loke avizu ba konkursu internu promosaun pesoál ba **Kategoria Tékniku Superior Grau B**, ho rekizitu no kondisaun sira mak hanesan tuir mai-ne'e:

|                                                                                                                                              |                                                                 |
|----------------------------------------------------------------------------------------------------------------------------------------------|-----------------------------------------------------------------|
| <b>Númeru Referência: Promoção Regime Geral PRG/2/2023</b>                                                                                   |                                                                 |
| Kategoria Tékniku Superior - Grau "B" Regime Kareira Jeral                                                                                   | Saláriu Baze: US\$ 430/kada fulan                               |
| <b>Númeru vaga:</b> 110 = 10% husi totál funsionáriu públiku regime karreira jerál grau B, ne'ebé prienxe kritériu minimum ba promosaun      | <b>Tipu konkursu:</b> Promosaun grau tuir méritu                |
| Métodu selesaun ho karakter: Somatóriu total pontuasaun husi kondisaun no kritériu sira kandidatu nian ho rezultadu teste eskritu eletróniku | <b>Relata ba:</b> Superior ierárkiku instituisaun ida-idak nian |

## **A. Konteúdu Funsional Categoria Tékniku Superior Grau B (Decreto-Lei nú.24/2016 de 29 de junho)**

Funsaun hirak ne'ebé foka ba estudu no aplikasaun métodu no prosesu hirak ho natureza téknika, ho autonomia no responsabilidade, enkuadra iha planu estabesidu, ejize espesializasaun no koñesimentu profisional ne'ebe hetan ona liu husi kursu superior ida.

### **B. Rekizitu sira**

#### **a. Rekizitu prinsipál sira ba elejibilidade**

1. Permanénsia iha grau ikus mínimu tinan ha'at (4);
2. Lahetan kualkér pena dixiplinár iha tinan tolu (3) ikus tuir desizaun husi KFP;
3. Tenke iha avaliasaun dezempeñu tinan ikus 2021;
4. Avaliasaun dezempeñu ba tinan ikus 2021 labele inferiór (ki'ik liu) husi “bom”;
5. Avaliasaun tengki halo husi entidade sira ne'ebé kompetente no sai ona nudar dirigente ba avaliadu iha tempu ne'ebé natón tuir lei;
6. Kandidatu hirak ne'ebé goza ona lisensa especial laho vencimento (eis membru do Governo, Membru Parlamento Nacional, Dirigente Agencia Autónoma Direta no Indireta Estado) bainhira reintegra fila fali ona bá iha nia postu servisu atuál, sei hetan avaliasaun dezempeñu automatiku ho klasifikasaun “muito-bom” durante período lisensa. Nune'e kandidatu sira ne'e konsidera elejivel ba konkursu promosaun nian;
7. Funsionáriu Públiku ne'ebé goza hela lisensa laho vensimentu eh ho vensimentu, la-elejivel ba konkursu promosaun, ho exesaun sé kandidatu ne'e reintegra fali ona ba servisu ho despaxu CFP nian molok emisaun lista elejibilidade kandidatura husi Painel Juri.

#### **b. Rekizitu seluk ba atribuisaun pontuasaun promosaun nian**

1. Abilitasaun literária/akadémika ikus ida ne'ebé a'as liu;
2. Lokál servisu (Munisípiu Dili/Estranjeiru, Munisípiu sira seluk, no área remota, muito remota no extremamente remota);
3. Okupante kargu diresaun eh xefia mínimu asumi tinan-rua (2) konsekitivu;
4. Avaliasaun dezempeñu tinan haat (4) ikus ( 2018, 2019, 2020 no 2021);
5. Sertifikadu formasaun profisional ne'ebé hetan durante permanénsia iha grau, mínimu 2, ne'ebé iha vantajen liu ba kandidatu ho durasaun 40 horas ba leten. Se la iha 40 horas, bele mós sertifikadu ho durasaun menus husi 40 horas;
6. Demonstra domíniu iha lian-ofisiál sira Tétun no Portugés liuhosi teste eskritu eletróniku promosaun nian;
7. Iha kuñesimentu jerál ba matéria sira Administrasaun Públika, Administrasaun no Finansas, Konstituisaun RDTL, Lejislasaun Funsaun Públika, Istória Nasionál no Inkluzaan Sosiál ne'ebé relevante ba konteúdu funsionál grau ne'e nian no prova hosi rezultadu teste eskritu eletróniku promosaun.

### C. Kompozisaun Júri

Membru Painel Júri ba kandidatu sira husi kategoria Tékniku Profesional Grau C ba Tékniku Superiór Grau B, ne'ebé konstitui ho baze ba **Despaxu n.º 12336/2023/PCFP, 18 Outubru**, kompostu husi membru sira hanesan tuir mai-ne'e:

|   |                               |                 |
|---|-------------------------------|-----------------|
| 1 | Carmen Joela Pereira          | Presidente Júri |
| 2 | Helio da Silva Pereira Gusmao | Vogal Júri      |
| 3 | Maria Dadi Soares Magno       | Vogal Júri      |
| 4 | Augusto Joaquim Pinto         | Vogal Júri      |
| 5 | Cesario da Silva              | Vogal Júri      |

### D. Konteúdu Prova eskrita:

Kompozisaun materia teste eskritu eletróniku promosaun bazeia ba Deliberasaun No. 76/2018/CFP, **Deliberação nº 173/2020/CFP, 2 de outubro, komplementa regras konabá indikadores testus ba ezame lian oficial sira** ne'ebé aprova kompozisaun prova eskrita ba promosaun pesoál iha Funsau Públika:

#### a. **Matéria kuñesimentu jeral sira ba teste eskritu eletróniku promosaun:**

1. Administrasaun Públika;
2. Administrasaun no Finansas;
3. Konstitusun RDTL, Lejislasaun Funsau Públika, Historia Nasional no Inkluzau Sosial

#### b. **Matéria habilidade língua sira ba teste eskritu eletróniku promosaun:**

1. Lian-Tétun;
2. Lian-Portugés.

### E. Sistema Klasifikasaun Finál:

Klasifikasaun finál rezulta hosi somatóriu aritmética simplés ba kondisaun no kritériu ida-idak ne'ebé determina husi Dekretu-Lei n.º 5/2019, lora 27 fulan-Marsu, alterasaun husi Dekretu-Lei n.º 1/2018, lora 24 fulan-Janeiru, kona-ba Rejime Promosaun ba Pesoál iha Karreira sira Administrasaun Públika nian nomós rezultadu teste eskritu eletróniku.

Eskala pontuasaun abranje husi 0 to'o 400, kompostu husi kondisaun no kritériu sira ne'ebé temi iha rekizitu iha pontu a no b iha leten ho total pontuasaun 180 no rezultadu teste eskritu eletróniku promosaun ho total pontuasaun 220, kompostu husi: língua Tetum 20 pontus, língua Portugés 20 pontus no kuñesimentu jerál 180 pontus.

Rezultadu klasifikasaun finál ba kandidatu ne'ebé hetan promosaun, sei foti hosi nota finál kandidatu nian ne'ebé ho klasifikasaun a'as liu tun tutuir malu to'o limite vaga 10% husi total funsionáriu grau C.

### F. Períudu Publikasaun

Lista Elíjibilidade Kandidatura Teste Eskritu Eletróniku Promosaun publika iha lora 23 to'o lora 27 fulan outubro 2023.

### **G. Reklamasau/Rekursu**


Ba kandidatu sira ne'ebé la satisféitu ho rezultadu promosaun, bainhira nesesariu hakarak ható' o reklamasau/rekursu, bele diriji karta ba Prezidente Júri iha Edifício Comissão Função Pública Dili-Timor-Leste, tuir periodu ne'ebé determina nanis ona tuir Lei. Rekursu bele ható'o liu husi faze prosesu promosaun rua hanesan tuir mai ne'e:

1. Rekursu ba lista elijibilidade kandidatura teste eskritu eletróniku promosaun, durante lora 5, hahú husi data 23 to'o 27 outubro 2023.
2. Rekursu ba rezultadu final kandidatu promovidu promosaun por méritu durante lora 5 hahú husi lora anúnsiu lista kandidatu promovidu.

### **H. Afiksasaun Rezultadu**

Lista kandidatura ho rezultadu final promosaun, sei envia ba Instituisaun Estadu sira iha nivel Nasional, Municipio sira no RAEOA hodi bele taka sai iha kuadru avizu ka liu husi meius eletróniku sira.

Dili, 19/10/2023

  
**Carmen Joela Pereira**  
Prezidente Júri